

NALUNAARUTIT - Grønlandsk Lovsamling

Serie C-II

02 DEC. 2019

ISUMAQATIGIISSTUT

Naalakkersuisut aamma Sulinertertut Inuussutissarsiatut Kattuffiata akornanni **Portørreddere**, **Portør-illu** qaamamusiallit nal. akunnermu-siallillu pillugit isumaqatigiissut.

IMAASA NALUNAARSORSIMAFFIAT

Qupp.:

§ 1 Isumaqtigiissummi pineqartut.	3
§ 2 Suliffiup sivisussusia.	3
§ 3 Akissarsiat.	4
§ 4 Soraarnerussutisiassanut akiliutissat taakkulu akilerneqartarneri.	5
§ 5 Ukiut suliffiit malillugit akissarsiat qaffakkiartortarneri. 6	6
§ 6 Piffissap ilaannaani sulineq.	6
§ 7 Qaangiuttoornerit aamma qaangiuttoornernut taarsiullugu sulinngiffeqarnerit.	7
§ 8 Pigaartuuneq.	8
§ 9 Persaqquusersorseqarnermut akiliutit.	10
§ 10 Immikkut tapit.	11
§ 11 Atorfimmun immikkut ittumut tapit.	12
§ 12 DIH-mi tullersortaanermut tapit.	12
§ 13 Kingoraartaneq.	13
§ 14 Suliamut aalajagersimasumut tapeq.	13
§ 15 Immikkoortuni inunnut ataasiakkaanut tapinut immikkoortitat.	13
§ 16 Pikkorissutsimut tapeq.	14
§ 17 Annaasiniaanermi atortussiamik taskimik.	14
§ 18 Oqaluttaasarnermut tapisiat.	15
§ 19 Immikkut ittumik akiliutit tunniunneqarneri.	15
§ 20 Atisat isumannaallisaatit il.il.	15
§ 21 Sulinermut atatillugu angalanerni saniatigut aningaaasartuutaasartut, tassunga ilannngullugit ullormusiat, unnuinermusiat (akunnit tarfimminnermut atugassat) atortussarsiatillu.	16
§ 22 Portørerit napparsimasunik ingialluinerat.	16
§ 23 Aningaaasarsiat aningaaasarsiallu ilaasa allanngorartut il.il. tunniunneqartarnerat.	18

§ 24 Ineqarneq	18
§ 25 Atorfininnermut atatillugu akiliunneqarluni angalaneq.	19
§ 26 Sulinngiffegarneq sulinngiffegarnersiutillu.	21
§ 27 Napparsimaneq.	21
§ 28 Naartuneq, ernineq qitornavissiartaarnerlu.	23
§ 29 Meeqqap napparsimanerani ullormi siullermi sulinngiffegarsinnaatitaaneq.	23
§ 30 Meeqqap napparsimanerani sulinngiffegarnerit allat.	24
§ 31 Sulinngiffegarnerit immikkut ittut allat.	25
§ 32 Sulinngiffegartarnerit.	25
§ 33 Qinikkatut pisortanillu toqqakkatut suliassaqartitaanerit.	26
§ 34 Toqukkut qimagaanersiutit.	27
§ 35 Soraarniuteqarneq/Soraarsitsineq.	27
§ 36 Isumaqtigiainnngissutit kinaassusersiortumillu soraarsitsinerit.	28
§ 37 Portør-it nal. Akunnermusiallit.	28
§ 38 Akissarsiat katiterneri.	30
§ 39 Ikaarsaarnermi malittarisassat.	31
§ 40 Piffissaq isumaqtigiaissutip atuuffia.	31

§ 1

Isumaqtigiissummi pineqartut.

Isumaqtigiissummi uani pineqarput portørredderit, Portør-illu Kalaa-llit Nunaanni Namminersorlutik Oqartussani qaammammusiaqartillugit atorfinitssinnejartut, isumaqtigiissutinullu allanut attuumas-suteqanngitsut.

Imm. 2. Tjenestemand-it imaluunniit naalagaaffimmit, Namminersorlutik Oqartussanit kommunenillu soraarninngorsimasut aammalu suliffeqarfini immikkut pisussaaffiligaasuni ittut isumaqtigiissummi uani ilaatinneqanngillat.

§ 2

Suliffiup sivisussusia.

Nalinginnaasumik piffissaq suliffissaq sapaatit akunnerannut nal.akunnerinik 40-nik sivisussuseqarpooq, agquaqtigiissillugu qaam-mammut nal.akunnerinut 173 1/3-inut naapertuuttumik.

Imm. 2. Ullormut piffissap suliffiup iluani sulinngitsoornerit akis-sarsianit ilanngaatigineqassapput sulinngitsoornermi akissarsiassa-raluit amerlaqataannik. Nal. akunnera sulinngitsoorfik nalilerneqar-tassaaq atorfillip nal.akunnermusiarisartagaatut annertutigisunik, nal.akunneranut tapiujunnartut ilanngullugit. Nal. akunnerata affaa-tikillugu sulinngitsoorneq nal. akunnerata affaatut naatsorsorneqar-tassaaq.

Imm. 3. Sulinermut atatillugu angalanerni piffissaq angalaffiusoq suliffimmuit/suliffimmut suliffittut naatsorsorneqartassaaq. Taamaat-torli piffissap suliffiup taama naatsorsorneqarnerata kingunerisaanik ullormi pineqartumi piffissaq suliffiusussaq eqqortinneqanngitsutut isigineqarsinnaanngilaq.

Imm. 4. Sulisorli siniffissaqartinneqarpat nal. 22.00-ip nal. 08.00-lu akornanni piffissaq angalaffiusoq piffissatut suliffittut naatso-rsuunneqassanngilaq.

Imm. 5. Taamaattorli ingiallortaalluni angalanerni § 8 naapertorlugu akissarsiat piffissarlu suliffiusussaq pillugu immikkut aala-jangersakkat atuupput.

§ 3

Akissarsiat.

Portør-it skalat nikeriarfiini ataani taaneqartut aallaavigalugit imaattunik qaammamusiaqartinneqassapput:

Skala	trin	suliff	ukiut	01.04.18	01.04.19	01.04.20	01.04.21
16	1	1.-2.		18.532,74	18.913,31	19.293,87	19.674,43
17	2	3.-4.		18.717,17	19.097,73	19.478,29	19.858,86
18	3	5.-6.		18.906,74	19.287,30	19.667,86	20.048,43
19	4	7.-8.		19.032,63	19.413,19	19.793,76	20.174,32
20	5	9. amerlanerillu		19.209,49	19.590,05	19.970,61	20.351,18

Imm. 2. Portør-it iluarsiissutitaqanngitsumik qaammaammut kr. 546,00 tapisiaqassapput.

Imm. 3. Portørredder-it skalat nikeriarfiini ataani taaneqartut aal-laavigalugit imaattunik qaammamusiaqartinneqassapput:

Skala	trin	suliff	ukiut	01.04.18	01.04.19	01.04.20	01.04.21
25	1	1.-2.		20.231,98	20.612,54	20.993,10	21.373,67
26	2	3.-4.		20.461,73	20.842,29	21.222,86	21.603,42
27	3	5.-6.		20.691,87	21.072,44	21.453,00	21.833,56
28	4	7.-8.		20.940,36	21.320,92	21.701,49	22.082,05
29	5	9. amerlanerillu		21.195,64	21.576,21	21.956,77	22.337,33

Imm. 4. Portørredder-it iluarsiissutitaqanngitsumik qaammaammut kr. 546,00 tapisiaqassapput.

Imm. 5. Overportørredder-it skalat nikeriarfiini ataani taaneqartut aallaavigalugit imaattunik qaammamusiaqartinneqassapput:

Skala	trin	suliff	ukuit	01.04.18	01.04.19	01.04.20	01.04.21
31	1	1.-2.		21.727,47	22.108,03	22.488,59	22.869,16
32	2	3.-4.		22.004,40	22.384,96	22.765,52	23.146,09
33	3	5.-6.		22.288,99	22.669,56	23.050,12	23.430,68
34	4	7.-8.		22.581,45	22.962,02	23.342,58	23.723,14
35	5	9. amerlanerillu		22.881,87	23.262,43	23.643,00	24.023,56

Imm. 6. Overportørredder-it iluarsiissutitaqanngitsumik qaammaammut kr. 546,00 tapisiaqassapput.

Imm. 7. Overportørredder-it iluarsiissutitaqanngitsumik aamalu sor-aarnerussutisiassateqaataasussaanngitsunik qaammaammut 2.000,00 kr.-inik tapisiaqassapput.

S 4

**Soraarnerussutisiassanut akiliutissat
taakkulu akilerneqartarneri.**

Isumaqtigiissut malillugu sulisup 18-nik ukioqalereersimasumut sor-aarnerussutisiaqalernissaanut isumaqtigiissummi matumani akissarsiat paragrafini tunngaviusumik akissarsiat taaneqartut 11,50%-ii sulisitsisup akilertassavai. Akiliutigineqartup agguataarlugu sulisumut pingajoraarterutaa pigitinneqarpooq sulitsisumullu pingajoraarterutaa marluk pigitinneqarluni. Soraarnerussutisiaqartitsisoqartassaaq sor-aarnerussutisiaqalernissamut aaqqissuussinermi malittarisassaani aalajangersakkat naapertorlugit.

Imm. 2. Sulisoq atorfegarnini tunngavigalu soraarnerussutisiassanut akiliutit imm. 1-imni taaneqartut avataasigut sulinini pissutigalugu sulisitsisuminit soraarnerussutisiaqartinneqarnaniluunniit ikuutisi-aqartinneqassanngilaq.

§ 5

**Ukiut suliffiit malillugit
akissarsiat qaffakkiartortarneri.**

Una isumaqatigiissut malillugu sulisut ukiut suliffiit malillugit akissarsiat qaffakkiartortarneri naatsorsorneqartassapput.

Imm. 2. Ukiut suliffiit malillugit akissarsiat qaffakkiartortarneri tamatigut qaammatinut ilivitsunut akunnaallillugit iluarsineqartassapput, ilanngunneqassanngillalli ulluni 15-it ikinnerusuniluunniit suliffigisimasat.

Imm. 3. Isumaqatigiissut una naapertorlugu sulisut Kalaallit Nunaanni pisortat suliffeqarfiutaannit imaluunniit Namminersorlutik Ogartussat suliffeqarfiutaannit toqqaannartumik Kalaallit Nunaanni pisortat suliffeqarfiutaannut imaluunniit Namminersorlutik Ogartussat suliffeqarfiutaannut allamut nuuttut suliaminnillu allangortitsinatik ingerlatsiinnartut ukiut suliffiit malillugit akissarsiat qaffakkiartarnissaattut katersarerrikkatik attatiinnassavaat.

Imm. 4. Malittarisassanit siuliani taaneqartunit qaffasinnerusumik inissiisoqarsinnaavoq immikkorluinnaq pissutissaqartillugu.

Imm. 5. Piffissap ilaannaani sulisut sulippata sapaatit akunnerannut agquaqatigiissillugu nal.akunneri 15-it sinnerlugilluunniit suliffagalugit tamakkiisumik akissarsiat qaffakkiartortarnerinik pissarsisoqassaaq. Sapaatit akunnerannut agquaqatigiissillugu nal.akunneri 15-init ikinnerit suliffiuppata akissarsiat qaffakkiartortarnerannik piffissamut suliffimmut naapertuuttunik pissarsisoqassaaq.

§ 6

Piffissap ilaannaani sulineq.

Isumaqatigiissut una naapertorlugu sulisut piffissap ilaannaa atorfegartussatut sulisussarsiarineqartut qaammammusiaqartinneqassapput qanoq sivisutigisumik sulisarnertik naapertorlugu.

Imm. 2. Suliffiup sivisussusianik allanngortitsineq, tassungalu ilaa-lluni piffissap ilaannaa sulisup sulileqqaarnerani isumaqatigiis-sutigineqartumut naleqqiullugu sivitsuigallarneq, taamaallaat ullunik 3-nik sioqqutsisumik ilisimatitsinikkut pisinnaavoq. Taamatut ilisi-matitsisoqanngippat nal. akunnerisa suliffiorpiartut saniatigut nal. akunneranik 1-imik pissarsisitsisoqassaaq. Piffissamik suliffissamik allanngortitsisoqassatillugu inuit ataasiakkaat piffissap al-lanngortinneqartup nalaani sulinnginnissaminnik kissaataat mianerini-arneqartassapput.

§ 7

Qaangiuttoornerit aamma qaangiuttoornernut taarsiullugu sulinngiffeqarnerit.

Qaangiuttoorneq sapinngisamik pinngitsoorniarneqartassaaq. Peqquneqarluni nakkutigineqartumillu atorfefarfimmi piffissap nalin-ginnaasumik suliffiup avataatigut sulinerni nal.akunnermusiaq 50%-imik ilaneqassaaq. Nal.akunnermusiaq ukiumut akissarsiassap 1/2080-iatut naatsorsorneqassaaq, tak. § 3.

Imm. 2. Qaangiuttoornerit isumaqatigiissut una naapertorlugu sulisut sulisitsisullu isumaqatigiinnerisigut sulinngiffeqaataasinnaapput. Qaangiuttoornersiassaagaluanut taarsiullugu sulinngiffeqarnermi qaangiuttoornermi akissarsiassat 50%-imik ilallugit qaangiuttoornersias-saagaluanut naapertuuttunik sulinngiffeqaataassapput. Sulinngiffeqar-nissamut katersukkat nal. akunnerata qaangiuttoorfigisap affaata aal-lartinneri tamaasa naatsorsorneqartassapput. Sulinngiffeqarnerup qaqugu pinissaa portørip sulisitsisullu akornanni suliffik mia-neralugu sulisullu kissaatigisai naapertorlugit aaqqissuunneqassaaq.

Imm. 3. Sulisoq qaangiuttooqquneqassappat tamanna ullormi pineqartumi ullup suliffiup naanissaa nal. akunnerinik 5-inik sioqqullugu ili-masaarutigineqareersimassaaq.

Imm. 4. Ilisimatitsineqanngippat qaangiuttoornerlu nal. akunneri 2-t sinnerlugit sivisussuseqarpat nal. akunnerisa qaangiuttoorfift sanatigut qaangiuttoornersiffissat nal. akunneranik 1-imik ilaneqassapput.

Imm. 5. Ullormut suliffissap nalinginnaasup avataatigut qaangiuttoornerit sivikinnerpaamik nal. akunneri 4-aappata taakku suliffioreersut saniatigut qaangiuttoornersiamik nal. akunnerata 1-ip nalinganik ilaneqassapput.

Imm. 6. Suliffiup nalinginnaasup avataatigut sulisoq suliartoq-quneqarpat minnerpaamik nal. akunneri 4-t tunniunneqassapput.

§ 8

Pigaartuuneq.

Naliginnaasumik piffissap suliffiup avataani atorfilik pigaartooqquneqarsinnaavoq imatut:

- I) Angerlarsimaffimmit pigaartuuneq aggersarneqarnikkut piaernerpaamik suliartornissamik pisussaaffilimmik.
- II) Napparsimavimmittussaalluni pigaartuuneq.

Imm. 2. Imm. 1-imni taaneqartutut pigaartuusarnerit ulloq unnuarlu naallugit peqqussutaasinnaapput, ullormut tamakkiisumik suliffiusssaanngitsuni (annermik sapaatini nalliuuttunilu).

Imm. 3. Suliassaqarfiallaanngitsumik pigaartuunermi nal. akunneranut akissarsiat imaapput:

Pigaartuuneq I) nal. akunneranut 29,00 kr.

Pigaartuuneq II) nal. akunneranut 61,00 kr.

Imm. 4. Piffissamut, aggeqquneqarnermit naatsorsorlugu, pigaartuunerup nalaani suliffiorpiartumut, qaangiuttoornersiaqartitsineqassaaq imaluunniit sulinngiffeqartitsineqarluni, tak. § 7, taamaattoq ag-

geqqusineq ataaseq tamatigut sivikinnerpaamik nal. akunneranik ataatsimik sulinertut naatsorsuullugu. Qaangiuuttoorneq imaluunniit sulinngiffeqartitsinissaq tunniunneqartassaaq nal. akunnera aallartittooq suliffiorpiartoq tunngavigalugu aammalu nal. akunnerani ataatsimi arlaleriarluni aggeqqusinermi nal. akunneranut ataasiinnarmut qaangiuuttoornersiaqartitsineqartassaaq imaluunniit sulinngiffeqartitsineqartassalluni.

Imm. 5. Nal. akunnerinut tamanut suliassaqarfiallaangitsunut aamma pigaartuunerup nalaani nal. akunnerinut siullernut 8-tanut suliffiorpiartunut imm. 3 malillugu pigaartuunermut akissarsisitsisoqassaaq. Nal. akunnerisa 8-t avataatigut piffisanut suliffiorpiartunut § 7-im. 1 aamma 2 malillugit qaangiuuttoornersisitsisoqassaaq sulinngiffeqartitsisoqarluniluunniit. Pigaartuunerup nalaani piffisaq suliffiorpiartoq imm. 4-mi allassimasutut naatsorsorneqartassaaq. Ulloq unnuarlu pigaartuuneq ulloq naallugu sulinertut ilaassaaq § 2 imm. 1-im. sapaatit akunnerannut piffissat suliffissat aalajangersarerini.

Imm. 6. Sulisut pigaartuunngikkaluarlutik naliginnaasumik piffissap suliffiup avataani suliartoqquneqartut akissarsiaqartinneqassapput imaluunniit sulinngiffeqartinneqassallutik qaangiuuttoornersiaqartut, tak. § 7 imm. 1 aamma 2 taamaattoq minnerpaamik nal. akunnerinut 3-nut. Nal. akunneri 3 qaangerlugit sulinermut qaangiuuttoornersiaqartitsineqassaaq imaluunniit sulinnginnersiaqartitsineqarluni nal. akunnerisa aallartinneri tamaasa tunngavigalugit aamma nal. akunnerisa 3 ingerlanerini arlaleriarluni aggeqqusinernut qaangiuuttoornersiaqartitsineqassaaq imaluunniit sulinnginnersiaqartitsineqarluni taamaallaat nal. akunnerinut 3-nut. Sulinnginnersmi nal. akunneri 4 inorlugit sisvisussuseqartussamik aggeqqusisorqartillugu akissarsisitsisoqartasaq sulinngitsitsisoqarluniluunniit qulaani allattorneqartut malillugit. Aggeqqusinermi nal. akunneri 4-simappata sinnersimallugillunuut taava sulinnginneq peerneqarallartutut naatsorsunneqassaaq, tak. § 9 imm. 3.

Imm. 7. Suliffeqarfimmi pissutsit tunngavigalugit tamanna ajornartin-nagu, pinartoqanngitsumik pigaartuuneq aamma sulinnginnermik taar-teqartinneqarsinnaavoq, taamaalilluni pigaartuuneq I-tut taaneqartoq tunngavigalugu akunnerit 3-t pigaartuunerit tamaasa aammalu pigaar-tuuneq II-tut taaneqartoq tunngavigalugu akunneq 1 minut sillu 20-it pigaartuunerit tamaasa, akunnermik ataatsimik sulinngiffeqartitsiso-qartassalluni.

Imm. 8. Sulisut imm. 1-im iamma imm. 2-mi pineqartutut pissusilimmik pigaartuuffiisa qaammammut nal. akunneri 140 sinnersimappagit, taakku malittaanni nal. akunnerini pigaarfinnut 70-inut immikkut ittumik a-kissarsisitsisoqartassaaq nalinginnaasumik pigaartuunermi akissarsiap 75 %-ianut naapertuuttumik aammalu taakku qaangerlugit pigaartutut sulinermut immikkut ittumik akissarsiap 100 %-ianut naapertuuttumik. Ulloq unnuarlu pigaartuuneq, tak. imm. 2, naatsorsuinermi tamatumani nal. akunneri 16-tut naatsorsorneqartassapput.

S 9

Persaqqusorsorneqarnermut akiliutit.

Atorfilik nalliuttuni sapaatit avataaniittuni sulinngiffeqar-tussaatitaavoq imaluunniit taartisisussaatitaavoq soorlu allatigut sulinngiffeqarnikkut.

Imm. 2. Ukiup ferierfissap naannginnerani sulinngiffeqarfissanik taarsiisoqanngippat imm. 3 naapertorlugu (sulinngiffik annaasaq) aningaasanngorlugu akissarsissutigineqassaaq. Nalliuttuni sulinerit akilerneqarnerisa saniatigut sapaatini sulinertut akiliuteqar-toqassaaq.

Imm. 3. Atorfilik sapaatit akunnerannut ullormik ataatsimik sulinn-giffeqartinneqassaaq ullorlu taanna pigaartuuffiussanngilaq. Ulloq sulinngiffik suliffissanngortinneqarpat sulinngiffissamik allamik taarserneqassaaq ullormi suliffiusariaqartumi nal. akunneri suliffi-gineqartut 33 1/3%-inik ilallugit nal. akunneri ilivitsunngorlugit

imaluunniit ullormi suliffissangortinneqartumi nal. akunneri suliffiusut qaangiuttoornersissutigineqassapput - taamaattorli minnerpaamik nal.ak. 6-ni sulinertut.

Imm. 4. Sulinngiffiusartut ilaannaasa sapaatikkut pisarneri pissutigalugit atorfillip sapaatip ulluani unnuaanilu nal. akunneri suliffigisani tamaasa, nal. akunnerata affaanik sulinngiffeqarfissanik pissarsissutigissavai.

Imm. 5. Taamatut sulinngiffeqarfiusussamut taarsiuullugu nal. akunneranut ajunngitsorsiassaqartitsisoqarsinaavoq qaammammut tunngaviusumik akissarsiat 1/4%-iannik. Piffissaq tamaat sulisut akissarsiaasa nikerarfiini inissisimaffik tunngavigalugu 1/4%-iatut (amma suliffiup ilaannaani sulisunut) tamatigut tapisiassaq naatsorsorneqartassaaq. Tapisiaq pineqartoq amma sapaatip ulluani unnuaanilu qaangiuttoornerit tunngavigalugit tunniunneqassaaq. tak. imm. 3.

Imm. 6. Arfinningornerni nal. 14.00-imiit nal. 24.00-mut sulinerni immikkut tapisiaq nal.akunneranut 23,42 kr.-it akissarsissutigineqassapput.

Imm. 7. Nal. 17.00-ip amma 06.00-ip akornanni peqquneqarluni sulisunut nal.akunneranut 16,30 kr.-nit saniatigut tapiliunneqassapput.

§ 10

Immikkut tapit.

Isumaqtigiissut una naapertorlugu sulisut aalajangersimasumik mak-kuninnga sulialinnut:

- a) nakorsiartarfimmiet napparsimavinniillu eqqagassanik tunillannartortalinnik eqqaasartunut.
- b) toqusut timaannik toqusut inaannut taakkunanngalu assartuisartunut, piareersaasartunut, asattuisartunut atisalersuisartunullu.
- c) nalinginnaasumik toqungasut timaannik misissuinermi ikiuttartunut.

- d) eqqartuussinermut uppernarsaateqarnissaq siunertaralugu toqungasup timaanik misissuinermi ikiuuttartunut.
- e) toqungasut timaanik ammaalluni misissuinernut tamatumalu kingornatigut eqqiaasarnernut ikiuutartunut.
- f) toqungasut timaanik immikkut aanaveersarnerinut ikiuuttartunut.

qaammammut 693,00 kr.-nik immikkut tapisiaqartitsisoqartassaaq.

Imm. 2. Portør-it tararsuisinnaanermut ilinniartinneqarsimasut-/kursus sersimasut, iluarsiissutitaqanngitsumik aamalu soraarnerussutisiassateqaataasussaanngitsunik qaammaammut 350,00 kr.-inik tapisiaqartinneqarsinnaappat.

§ 11

Atorfimmut immikkut ittumut tapit.

SS 3-mi akissarsiat taaneqartut nalinginnaasumik pi- umasaqaatitarisaannut il.il. ilaangitsunik suliatigut, allaffisornikkut, pisinnaasariaqartutigut allatigulluunniit immikkut inisisimasunik atorfinitstsisoqartillugu, akissarsianut tapit atugassarititaasut nalinginnaasut saniatigut isumaqatigiissuteqartut akornanni immikkut isumaqatigiissuteqartoqarsinnaavoq.

§ 12

DIH-mi tullersortaanermut tapeq.

DIH-mi overportørredderinut tullersortitut atorfimmut iluarsiissuti-taqanngitsumik aamalu soraarnerussutisiassateqaataasussaanngitsunik tapeqartinneqassaaq qaammammut 2.000,00 kr.-inik.

§ 13

Kingoraartaneq.

Sulisoq § 3 naapertorlugu akissarsiaqartoq, qinnuigineqarnermigullu qaffasinnerusumi atorfimmi suligallartoq, pineqartup suliassaanik suliaqalersimaguni aalajangersakkat kinguliini taaneqartut malillugit akissarsiaqarsinnaatitaavoq.

Imm. 2. Atorfimmi qaffasinnerusumi suligallarnermi akissarsiaqartussaaneq atuutilissaaq sulisup atorfik taamaattoq ulluni malittuinnarni 15-ni tigummereerpagu.

Imm. 3. Tamatumani akissarsiassat tassaassapput sulisup nammineq atorfimmini akissarsiai, tapisiaqarpat taakku ilanngullugit, aammalu qaffasinnerusumi atorfimmi atorfegarsimasuuguni akissarsiassarigaluisa nikingassutaat.

§ 14

Suliamut aalajagersimasumut tapeq.

Nunatsinni Peqqinnissaqarfiup ataani isumaqtigiissut manna atuuttoq najoqqutaralugu atorfegartumut tapeqaataasinnaavoq Qarasaasiatigut Napparsimasut Allattorsimaffianut immikkut ilisimasalittut atuisuutilluni qaammammut 1000,00 kr.-inik.

§ 15

Ataasiakkaanut tapinut immikkoortitat.

Sulisut 1. april 2014-mi ataasiakkaanut tapisiallit nammineq tapisiatut suliunnaarnissap tungaanut tapisiariinnassavaat.

§ 16

Pikkorissutsimut tapeq.

Isumaqtigiissut manna tunngavigalugu atorfinitssinnejarsimasunut pikkorissutsimut tapisiaqartitsisoqarsinnaavoq qaammammut kr. 500,00-nik. Pikkorissutsimut tapisiat inummut ataatsimut arlalinngorlugit tunniunnejarsinnaapput.

Imm. 2. Namminersorlutik Oqartussat suliffeqarfisa immikkoortui ataasiakkaat, matumani suliffiit taakkununnga atasut ilanngullugit, tapisiassanik aalajangersimasunik amerlassusilinnik agguassasaminnik tunineqartassapput. Immikkoortortaqarfinnut ataasiakkaanut tapisiassat amerlassusissaat Aningaasaqarnermut Sulisoqarnermullu Aqutsisoqarfiup isumaqtigiinniarnermut immikkoortortaqarfiaata nalunaarutigisassavai.

Imm. 3. Najukkami sulisitsisup najukkamilu tassani sulisut sinnisaata imaluunniit S.I.K.-p akornanni isumaqtigiinniareernikkut tapisiassat taakku kommunet suliffeqarfiiillu ataasiakkaat iluanni aguataarneqartassapput.

Imm. 4. Tapisiat atorfimmut allamut nuunnermi peerneqartassapput.

Imm. 5. Pikkorissutsimut tapisiat inuttaaruttut isumaqtigiinniutigeqqinnejareernermikkut atorneqaqqissinnaalertassapput, tak. imm. 3.

Imm. 6. Pikkorissutsimut tapisiat aguataarneqarnissaat isumaqtigiissutiqeqarsinnaanngippat apeqqut isumaqtigiissuteqartutut illuatungeriinnit aalajangiiffiqeqartassaaq.

§ 17

Annaasiniaanermi atortussiamik taskimik.

Tapisiaq portørinut, Peqqissaanermik Ilinniarfiup aaqqissugaanik ingerlataanillu qaffariartortitamik inunniq annaasiniaanermi atortussiamik taskimik il.il. atuisinnaanermik ilinniartitaasimasunut,

ilinniartitaanerullu pingajuannik naammassereernermik kingorna atuisinnaanermik sungiusarsimanermik naammassisimanermik uppernar-saammik pissarsisimasunut qaammammoortumik tapimik tuniqarsinnaavoq 500,- kr.-mik annertussusilik.

§ 18

Oqaluttaasarnermut tapisiat.

Isumaqtigiissut una naapertorlugu sulisut sulinerup ilarujussuani oqalutsitut atuuttunut, tapisiaqartinneqarsinnaapput qaammammut 500,- kr.-nik.

§ 19

Immikkut ittumik akiliutit tunniunneqarneri.

§§ 7, 8, 9 aamma 10-mi taaneqartunik pisoqartillugu tassa tapisiaqartitsisoqarsinnaatillugu sulinngitsitsineqarsinnaaneranilu, sulinn-gitsitsineqaraangat ilanngaassisooqartassaaq nal.akunnera ataaseq suliffik naatsorsuutigalugu ukiumut aningaasarsiat 1/2080-imik ag-guarnerattut. Aningaasanngorlugu tunniunneqarnerat nal.akunnerisalu sulinngiffiusimasinnaasut ilanngaatigineqarnerat pisassaaq aningaasarsiat allagartaani qaammatip taamatut ittumik suliffiup sulinngiffiusimasulluunniit tulliani.

§ 20

Atisat isumannaallisaatit il.il.

Sulisitsisup aaqqatit, kamippaat immikkut sanaat, atisat qaatiguut, saaliaqutit gummit il.il. isumannaatsuutitsinissaq pissutigalugu atortariaqartut sulisartunut akeqanngitsumik atugassiissutigissavai.

§ 21

Sulinermut atatillugu angalanerni saniatigut aningaasartuutaasartut, tassunga ilanngullugit ullormusiat, unnuinermusiat (akunnit tarfimmiinnermut atugassat) atortussarsiutillu.

Portør-it angerlarsimaffittut najukkamik avataannut suliartorallartitaasut aningaasanik pissarsiassaqtinnejassapput malittarisassat tjenestemand-inut Namminersorlutik Oqartussani kommunenilu sulisunut atuuttut naapertorlugit, taakkulu immikkut takussutissiami takuneqar-sinnaapput.

§ 22

Portørit napparsimasunik ingialluinerat.

Napparsimasup Kalaallit Nunaannut, Kalaallit Nunaanni Kalaallit Nunaanniillu angallanneqarnerani isumannaatsumik passunneqarnissaa pissutigalugu nakorsap pisariaqartippagu portørimik ingiallorne-qarnissaa maleruagassat makku malillugit aningaasarsisitsisoqartassaaq:

Imm. 2. Piffissami ullup suliffiusussap suliffigisamit aallarfissatut naatsorssuutigineqartumiit napparsimasumik ingialluinerup naammassi-nissaata tungaanut § 8, imm. 3 pigaartuuneq II-tut aningaasarsisitsisoqassaaq.

Imm. 3. Piffissaq sulisup napparsimasumik akisussaaffeqarnera imm. 4 naapertorlugu nal.akunneri aallartinneri tamaasa suliffiorpiartutut naatsorsunneqassaaq.

Imm. 4. Ulloq unnuarlu pigaartuunermi malittarisassat uku atuupput: Pigaartuunerup nalaani nal. akunnerinut tamanut suliffiorpiannngits-unut kiisalu nal.akunnerinut 8-nut suliffiorpiartunut siullernut § 8, imm. 3 naapertorlugu pigaartuuneq II-tut pigaartuunersiaqartoqassaaq.

Nal.akunneri 8 sinnerlugit suliffiorpiartunut § 7 imm. 1 aamma 2 naapertorlugu qaangiuttoornersisitsisoqarluniluunniit sulinngitsitsisoqassaaq. Ulloq unnuarlu pigaartuuneq sap.akunneranut piffissami suliffiusussami § 2, imm. 1-imi aalajangersarneqartumi ullortut tamakkiisumik suliffittut naatsorsuunneqassaaq.

Imm. 5. Imm. 3 naapertorlugu suliffiorpiartunut atatillugu sapaatini nalliuuttunilu sulinermut § 9, imm. 5-naapertorlugu tapisiaqartitsisoqassaaq, arfininngornermi sulinermut tapisiaqartitsisoqassalluni, kiisalu unnukkorsiornermut unnuarsiornermullu tapisiaqartitsisoqassalluni piffissat pineqartut iluanni suliffiorpiarpara.

Imm. 6. Napparsimasunik ingialluilluni angalanerni Namminersorlutik Oqartussani kommunenilu tjenestemandinut aalajangersakkat atuuttut naapertorlugit ullormusiaqartitsisoqassaaq(taakkullu immikkut takussutissiami takuneqarsinnaapput). Aningaasartuutit napparsimasup angalanermi nerisaqarneranut pisariaqartitat upternarsaatillit tamakkiisumik taarsiissutigineqassapput.

Imm. 7. Portør-it nalinginnaasumik napparsimmavimmi sulinerminniit napparsimasunik ingialluinermut peqquneqartumut/ikaarsaariartumut piffissaq napparsimasunik ingialluilerfik piffissatut suliffissatut aalajangersarsimasutut aallartiffianit naatsorsuutigineqalissaq, piffissaq pineqartoq ingialluilluni angalanissamit siusinneruppat.

Imm. 8. Ullut sulinngiffissatut pilersaarutigeriikkat ullormi aallarfimmi tikiffimmiluunniit pisut sulinngiffissatut annaasatut akilerneqassapput, taamatuttaarlu ullut sulinngiffeqarfissatut pilersaarutigineqartut ingialluinerup nalaani sulinngiffiunngitsoortut sulinngiffissatut annaasatut akilerneqassapput.

Imm. 9. Napparsimasunik ingialluinermi atuutissapput Namminersorlutik Oqartussat ataatsimoorussamik angalanermi sillimmasiissutaat.

§ 23

Aningaasarsiat aningaasarsiallu ilaasa allanngorartut il.il. tunniunneqartarnerat.

Aningaasarsiat tapisiaallu qaammammut kingumoortumik akiliutigi-neqartassapput.

Imm. 2. Aningaasarsiat aningaasarsianut konto-mut portør-ip aningaaserivimmi toqqagassaanut qaammatip naanerani ikineqartassapput.

Imm. 3. Tapisiat allanngorartut, soorlu unnuarsiornermut tapisiat, qaangiuttoornersiat il.il. anertussutsit aningaasanik akiliuteqarnerup nalaani atuuttut malillugit naatsorsorneqassapput. Piffissaq naatsorsuusiorfiusoq aammalu akiliuteqarfissaq suliffeqarfimmi aala-jangiiffigineqartassaaq.

§ 24

Ineqarneq.

Atorfinnik inuttassarsiuussinerni ineqarneq pillugu makku nalunaarneqartassapput:

- a) Inissaqartitsisoqartoq malittarisassat qaqugukkulluunniit atu-
uttut naapertorlugit, imaluunniit
- b) inissaqartitsisoqanngitsoq, imaluunniit
- c) atorfimmut atatillugu pisussaaffeqartoq suliffimmut atatillugu
inigisassaatitaasumik ineqarnissamut.

Imm. 2. Atorfinit sinneqartup inissiaq innersuunneqartoq najugariuman-
ngippagu, inissiamik allamik innersuussisoqarsinnaanngilaq.

Imm. 3. Imm. 1, a) naapertorlugu inissianut innersuunneqartunut ineqarnermut akiliuteqartoqartassaaq Kalaallit Nunaanni Namminersorlutik Oqartussat kommunellu inissiaataanni ineqarnermut akiliuteqartarnermut malittarisassat qaqgumulluunniit atuuttut naapertorlugit. Inissiamik innersuunneqartumik sumiginnaasoqarpat anisitaanermik kinguneqartumik, inissiamik allamik innersuussisoqarsinnaanngilaq.

Imm. 4. Atorfillit imm. 1, c) naapertorlugu atorfimmut atatillugu inigisassaatitaasumik ineqarnermut akiliuteqartassapput maleruagassat tjenestemand-inut Namminersorlutik Oqartussani kommunenilu sulisunut qaqugukkulluunniit atuuttut naapertorlugit, taakkulu immikkut takussutissiami takuneqarsinnaapput.

§ 25

Atorfininnermut atatillugu akiliunneqarluni angalaneq.

Atorfininnermi Danmarkimi Kalaallit Nunaanniluunniit angerlarsimaffiup suliffegarfigisallu akornanni akiliunneqarluni angalatitsisoqassaaq inuttassarsiuussilluni allagarsiussaq naapertorlugu inissaqartitsisoqarpat imaluunniit atorfimmut atatillugu inigisassaatitaasumik najugaqarnissaq pisussaaffiuppat, tak. § 24, imm. 1, a) aamma c).

Imm. 2. Akiliunneqarluni atorfininnermi angalanermut aamma ilaatinneqarput atorfegartup aapparisaa - katissimanngikkaluarluguluunniit inooqatigisaa - kiisalu meeqqat 18 inorlugit ukiullit. Taama ilaquaariit akiliunneqarlutik angalanerat sapinngisamik ataatsimoorluniingerlanniarneqartassaaq.

Imm. 3. Akiliunneqarluni atorfininnermi angalaneq inummut namminermuinnaq tunngatitaavoq allanullu tunniunneqarsinnaanani. Akiliunne-

qarluni angalasinnaatitaaneq atorneqanngitsoq taarsiissutigineqar-sinnaanngilaq.

Imm. 4. Atorfininnermi akiliunneqarluni angalasinnaatitaanermi aqqutit sulisitsisumit innersuunneqartut atorneqartassapput.

Imm. 5. Atlantikoq ikaarlugu billetimi Danmark-imi namminermi angalaneq ilaagaangat taamaallaat matussuserneqarsinnaapput najukkap nunallu immikkoortuani mittarfiup akornanni angallassissutit atorlugit akikinnerpaamik angallanneqarnermut aningaasartuutit uppernarsarne-qarsinnaasut. Sutigut allatigut tamatigut matussuserneqartassapput Kastrup-ip mittarfiata allallu akornanni tamanut angallassissutit atorlugit angallanneqarnermut akikinnerpaamik angallanneqarnermut aningaasartuutit.

Imm. 6. København-imiinnermi aningaasartuutaajunnartut atorfegartup nammineq akilissavai.

Imm. 7. Nunatsinni namminermi atorfininnermut atatillugu akiliunne-qarluni angalanermi taamaallaat matussuserneqartassapput najugaqarfifiup atorfefarfissallu akornanni tamanut angallassissutit atorlugit akikinnerpaamik angalanermut aningaasartuutigisimasat uppernarsarne-qarsinnaasut.

Imm. 8. Atorfininnermi pigisat assartorneqassapput malittarisassat tjenestemand-inut Namminersorlutik Oqartussani kommunenilu atorfilin-nut qaqugukkulluunniit atuuttut naapertorlugit, taakkulu immikut ta-kussutissiami takuneqarsinnaapput.

§ 26

Sulinngiffeqarneq sulinngiffeqarnersiutillu.

Sulisut feriernersiuteqarneq feriernerlu pillugit Inatsisartut inatsisaat nr. 10 12. november 2001-imeersoq naapertorlugu sulinniffeqarsinnaatitaapput. Inatsisip § 2-at naapertorlugu aala-jangersakkat ataani immikkut taaneqartut makku isumaqatigiissutigine-qarput.

Imm. 2. Sulisut Inatsisartut inatsisaanni § 15, imm. 2 naapertorlugit 12½ %-nik sulinngiffeqarnersiuteqarluni sulinngiffeqarneq akissarsiaqarluni sulinngiffeqarnermut taarsiullugu toqqarpassuk ullut sulinngiffeqarfiiit amerlassusii naapertorlugit aningaasarsiat ilang-gaaffigineqassapput. Sulinngiffeqarnersiutit ukiumut aningaasarsiari-simasnut naatsorsorneqassapput.

Imm. 3. Soraarnermi aningaasarsiat 12½ %-ii sulinngiffeqarnersiutis-satut tunniunneqassapput.

Imm. 4. Sulinngiffeqarnermi aningaasanik pisassanik piumasaqarneq sulisitsisumut saqqummiunneqassaaq ukiup sulinngiffeqarfissaasimasup qaangiutereernerani kingusinnerpaamilli qaammatit pingasut qaann-giuttinnagit. Taamaanngippat aningaasat Sulinngiffeqarnermut Aningaasaateqarfimmut nakkassapput, tak. Sulinngiffeqarnermut Aningaasaateqarfik pillugu isumaqatigiissummut tapiliussaq.

§ 27

Napparsimaneq.

Sulisoq napparsimanini pissutigalugu sulisinnaanngippat, taassuma kinguneranik sulinnginneq inatsisiniq unioqqutitsinani sulinn-ginnertut isigineqassaaq, sulisoq sulinermini piaaraluni mianersuaalliorujussuarluniluunniit napparsimalersimanngippat imaluunniit atorfinnermi salloqittaalluni napparsimanini nipangiusimasimappagu.

Imm. 2. Sulisoq qaammatini tulleriiginnarni aqqaneq marlunni kattillugit ullaat 120-ini napparsimanermini akissarsiaqarsimappat, qaamatip naaneranut imatut siumut ilisimatitsereerluni soraarsitsisoqarsinnaavoq:

Suliffeqarfimmi ataatsimi;

- ukiuni 0 - 5 atorfegareernermi: qaammat ataaseq
- ukiuni 6 - 8 atorfegareernermi: qaammatit pingasut
- ukiuni 9 - sivisunerusumillu atorfegareernermi: qaammatit sisamat.

Soraarsitsinerup atuutitinneqarnissaanut piumasaqaataavoq ullaat napparsimaffit 120-it taakku naanerannut atatillugu soraarsitsisoqasssoq aammalu inuk pineqartoq suli napparsimatilluugu, kisiannilii atuutitinneqarsinnaaneranut apeqqutaanngilaq inuk pineqartoq soraarsitsinissap nalunaarutigineqareernerata kingorna suliffimminut utersimappat.

Imm. 3. Kisiannili imm. 2-mi aalajangersagaq malillugu atorfegarnermit soraarsitsisoqarsimappat, atorfinitseqqittoqartariaqarpoq inuk pineqartoq sulileqqissinnaalerpat aammalu suliffeqarfimmi pineqartumi inuup pineqartup sulinissaa atorfissaqartinneqarpat.

Imm. 4. Napparsimaneq nakorsap uppermarsaaneratigut uppermarsaneqarnissaa piumasarineqarsinnaavoq.

Imm. 5. Nakorsat uppermarsaataat imm. 4 malillugu piumasarineqartut sulisisitsisumit akilerneqassapput.

§ 28

Naartuneq, ernineq qitornavissiartaarnerlu.

Isumaqtigiissut una naapertorlugu sulisut sulinngiffegarsinnaati-taapput, naartunermi, ernereernerup kingorna qitornavissiartaar-nermilu Inatsisartut inatsisaat qaqugumulluunnit atuuttoq naapertor-lugu. (maannakkut Inatsisartut inatsisaat nr. 14, 7. december 2009-meersoq).

Imm. 2. Sulinngiffegarnerup nalaani sulisoq akissarsiani pigiinnarlu-git sulinngiffegarsinnaavoq Inatsisartut peqqussutaanni nr. 7. 22. oktober 1990. Uani takussutissiami takuneqarsinnaavoq akisarsi-aqarluni naartunermi meeqqamillu ataatsimik meerartaarnermi:

Anaanaq: sap.ak. marluk erninissaq sioqqullugu	Anaanaq: sap.ak. 14-it kingorna	Tamarmik: sap.ak. sisamat avinne-qartussat imm. anaanaasup kisimi.
	Ataataq: sap.ak. 1-p kingorna	

§ 29

**Meeqqap napparsimanerani ullormi siullermi
sulinngiffegarsinnaatitaaneq.**

Atorfilik tamakkiisumik ilaannakuusumilluunniit akissarsiaminik annaasaqarani sulinngiffegarsinnaatitaavoq meeqqap nukangasup napparsimanerani ullormi siullermi.

Imm. 2. Sulinngiffegarsinnaatitaanermi piumasqaataavoq:

- a) Ulloq tassaappat meeqqap napparsimaffia siulleq,
- b) meeqqap atugai patsisigalugit tamanna pisariaqarpat,
- c) atorfefarfimmi pissutsit patsisaallutik tamanna ajornanngippat,
- d) meeraq angerlarsimappat.

Imm. 3. Ullut napparsimaffiit nalunaarsorsimaffiat taperneqassaaq ilisimatitsissummiq meeqqap napparsimanerani ullormi siullermi peqannginnermik.

Imm. 4. Aaqqissuussineq atornerluinermi sulisunut ataasiakkaanut atortussajunnaarsinneqarsinnaavoq.

§ 30

Meeqqap napparsimanerani sulinngiffeqarnerit allat.

Meeqqap 16 tikillugit ukiullip illoqarfimmi najukkami imaluunniit illoqarfimmi allami unittariaqalernerani, angajoqqaap peqqinnisaqarfiup akiligaanik illoqarfinnut allanut ingialluinerani, meeqqallu uninnganerata nalaani ullut 12 tikillugit akissarsiani nali-ginnaasut pigiinnarlugit sulinngiffeqarsinnaavoq.

Imm. 2. Meeqqap napparsimavimmut uninnissaa angajoqqaallu uneqataanissaa ingiallortaanissaalu nakorsamit upernarsarneqassaaq.

Imm. 3. Taamatuttaaq imm. 1, naapertorlugu sulinngiffeqartitsisoqarsinnaavoq meeqqap angerlasimaffimmini innangatinneqarnissaa nakorsamit innersuunneqarpat/upernarsarneqarpat.

Imm. 4. Immikkut illuinnartumik pissutissaqartillugu nakorsamillu upernarsarneqarpat sulinngiffeqarneq sivitsorneqarsinnaavoq ullut 5 tikiillugit.

§ 31

Sulinngiffeqarnerit immikkut ittut allat.

Ilaquttat qanigisat napparsimaruloortillugit aamma/imaluunniit ilisaanerini atorfilik ukioq ataaseq atorfegarsimaguni akiliunneqarluni angalasinnaatitaavoq sulinngiffeqarsinnaatitaallunilu ilaquitat qanigisat napparsimaruloortillugit aamma/imaluunniit ilisaanerini atatillugit akiliunneqarluni angalasarnerit sulinnngiffeqartarnerillu pillugit malittarisassat qaqugumulluunniit Kalaallit Nunaanni tjenestemand-inut atuuttut naapertorlugit, taakkulu immikkut takussutissiami takuneqarsinnaapput.

Imm. 2. Sulinngiffeqarnissamik aamma akiliunneqarluni angalanissamik qinnuteqaat sulisitsisumut allaganngorlugu tunniunneqassaaq.

Imm. 3. Ilaquttat qanigisat tassaapput: angajoqqaat, aappat taamaattutullu naatsorsuussat, qitornat qatanngutillu, kisianni aappapilaqtai taamaattutullu naatsorsuussat pinnagit.

§ 32

Sulinngiffeqartarnerit.

Qaammatisiutit naapertorlugit ulluni nalliuuttuni atorfilik sulinnngiffeqarsinnaatitaavoq, ullutut nalliuuttutut uku naatsorsunneqassapput:

- a) ilagait Lutherikkut nalliuuttui,
- b) juulliaraq,
- c) ukiutoqqaq,
- d) kunngit pingasut ulluat (nal. 12.00 kingornatigut),
- e) 1. maj (nal. 12.00 kingornatigut) aamma
- f) kalaallit inuiattut ullorsiorfiat 21. juni.

§ 33

Qinikkatut pisortanillu toqqakkatut suliassaqartitaanerit.

Isumaqtigissut una naapertorlugu atorfillit qinikkatut pisortanillu suliassaqartitaanerit pillugit Namminersornerullutik Oqartussat qinikkatut pisortanillu toqqakkatut suliaqarneq pillugu nalunaarutaat nr. 5, 15. marts 1994-meersoq naapertorlugu sulinissaminnut sulinngiffeqarsinnaatitaapput.

Imm. 2. Imm. 1 malillugu suliffigisamiit qimagusimaneq piffissaminaliginnaasumik suliffiusussaagaluami ilinniagaqarsimasunut aamma ilinniagaqarsimanngitsunut isumaqtigissutit malillugit qaangiuttoornersiaqarfissaq sioqquallugu pisoq sumiginnaanertut isigineqassangilaq. Suliffimmuit qimagusimanissaq sapinngisamik sioqqutsiluarluni sulisitsisumut nalunaarutigineqassaaq.

Imm. 3. Pisortanit suliassaqartitaaffinni allani SIK-p immikkoortaqarfifi siulersuisunut, SIK-p inuusuttaani siulatorsuisunut aammaalu SIK-p siulatorsuisuunerinut ilaasortat, pisortat oqartussaasoqarfifiinit piumaffigineqarneq tunngavigalugu ilaasortaaffigineqartut imm. 1-mi 2-milu malittarisassat tunngavigineqassapput.

Imm. 4. SIK-p siulatorsuisuuneri, SIK-p Inuusuttaisa siulatorsuisuunerini ilaasortat, ataatsimeersuarnerni, nakkutilliisoqarfefqarnerani peqataanermut atatillugu SIK-p siulatorsuisuunerinut aamma SIK-p Inuusuttaisa siulatorsuisuunerinut ilaasortat, aningaasarsiaqarlutik sulinngiffeqarsinnaatitaapput amerlanerpaamik ukiumut sisamariarlutik.

Imm. 5. SIK-p immikkoortaqarfifi siulersuisut, SIK-p siulatorsuisuunerini aamma SIK-p Inuusuttaisa siulatorsuisuunerini ilaasortat, akissarsiaqaratik sulinngiffeqarnissartik kissaatigippassuk tamanna akuerineqartariaqarpoq. Taamatut sulinngiffeqartoqarsinnaavoq ukiut ataasiakkaarlugit.

§ 34

Toqukkut qimagaanersiutit.

Sulisoq atorfegarnermi nalaani toqusimappat aappaanut katissimanngik-kaluarluguluunniit inooqatigisaanut qitornaanut 18 inorlugit ukiulin-nut qimagaasunut toqusup pilersugarisimasaanut qimagaanersiutit ataani allassimasut naapertorlugit tunniunneqassapput:

Atorfegar-

figisami ukioq 1 sulisimappat.....: Qaam. 1 akissarsiat
- ukiut 2: Qaam. 2 akissarsiat
- ukiut 3 amerlanernilu.....: Qaam. 3 akissarsiat

§ 35

Soraarniuteqarneq/Soraarsitsineq.

Atorfegarnermi qaammatini pingasuni siullerni siumut nalunaaruteqarluni soraarsitsinermi uku atuupput: Sulisitsisoq sulisorlu ullunik arfineq pingasunik (ullunik suliffinnik tallimanik) siumut nalunaaru-teqarlutik ullormut sumulluunniit soraarsitsinnaavoq soraarsinnaal-lunilu.

Imm. 2. Qaammatini pingasuni atorfegareernermi sulisitsisup tungaani-it imatut siumut ilisimatitsereerluni soraarsitsisoqarsinnaavoq:

- Atorfinnerup kingorna qaammatini arfinilinni siullerni qaammik ataatsimik ilisimatitsereerluni qaammatip naaneranut
- Atorfinnerup kingorna qaammatti arfinillit kingorna qaammatinik pingasunik ilisimatitsereerluni qaammatip naaneranut
- Taassuma kingorna ukiut atorfegarnerit pingasukkaarlugit siumut ilisimatitsereerluni soraarsitsisinnaanerit qaammakkik ataatsimik ilaneqartassapput, kisiannili annerpaamik qaammatini arfinilinni.

Imm. 3. Qaammatini pingasuni atorfegareernermi sulisoq siumut ilasi-matitsereerluni soraarsinnaavoq:

- qaammat ataaseq qaammatip naaneranut.

Imm. 4. Sulisitsisup sulisullu soraarsitsinissamik soraarnissamillu siumut nalunaarutaat allaganngorlugu tunniunneqassaaq.

§ 36

Isumaqtigiainnngissutit kinaassusersiortumillu soraarsitsinerit.

Isumaqtigiainnngissutit suliarineqartassapput aaqqiagiiainnngissutit suliarineqartarnissaannik tunngaviusumik isumaqtigiaissummi aalajangersakkat naapertorlugit.

Imm. 2. Inunniq ataasiakkaanik soraarsitsisinnaaneq atorneqaraangat tamanna kinaassusersiornermik tunngaveqartassanngilaq. Tamanna pillugu apeqqutit aaqqiagiiainnngissutit suliarineqartarnissaannik tunngaviusumik isumaqtigiaissummi aalajangersakkat naapertorlugit suliarineqartassapput.

§ 37

Portør-it nal. Akunnermusiallit.

Portør-it atorfegavinnissaq siunertarinagu, kisiannili sulinn-giffeqartoqartillu, napparsimasoqarnerani assigisaannilu taartissatut imaluunnit qaammatit pingasut inorlugit sivisussusilimmik allamik suliaqarallarnissamut sulisussarsiarineqartut, nal. akunnermusialler-lugit aningaasarsitinneqartassapput. Qaammatit pingasut sinnerlugit sulereerneremi pineqartoq qaammamusiaqalersinneqassaaq, taamaattorli sulisartup kissaatigiguniuk nalunaaquttap akunnermusiaqaaannar-sinnaavoq.

Imm. 2. Ulluunerani sulinermi nal. akunnermusiaq pineqartup ukiut suliffii tunngavigalugit § 3 naapertorlugu qaammamusiaritinneqartup

1/173, 33-erivai. Persaqqusersorneqarnermut aamma Pigaartuunermullu isumaqatigiissummi § 8 aamma § 9-mi aalajangersakkat atuutsinneqarput.

Imm. 3. Portør-it nal. akunnermusiallit akissarsiffissaat ullunut 14-inut naatsorsorneqartassaaq, ataasinngornermiit sapaatit akunnerisa marluk naaneranni sapaat ilanngullugu.

Imm. 4. Portør-it nal. akunnermusiallit isumaqatigiissummi § 3-mi skalat malillugit ukiut suliffiit qaffakkiartortarneri naapertorlugit inissinneqassapput. Portør-it nal. akunnermusiaqarnermik nalaani u-kiut suliffiit qaffakkiartortarnerinik pissarsisinnaanngillat.

Imm. 5. Suliffiup sivisussusianut aamma Qaangiuttoornernut il. il. aalajangersakkat portør-it qaammamusialinnut atuuttut atuutsinneqassapput.

Imm. 6. Portør-it nal. akunnermusialinnut aalajangersakkat §-ini 4-mi, 10-mi aamma 19-miittut atuutsinneqarput.

Imm. 7. Portør-it nal. akunnermusiallit akeqanngitsumik sulliseqartinneqassapput.

Imm. 8. Portør-it nal. akunnermusiallit sulinerat siumut nalunaarute-qaqqaarani atorunnaarsinneqarsinnaavoq. Portør-it nal. akunnermusiallit napparsimaneq aamma naartuneq ernineq meeravissiartaarnerlu pissutigalugit sulinnginnermi akissarsiaqassanngillat.

Imm. 9. Portør-it nal. akunnermusiallit ullut 6-it ingerlanerranni akissarsiaqaratik ullormi ataatsimi sulinngiffeqarsinnaatitaapput; taamaattoq ulloq sulinngiffissaq suliffimmi pissutsit patsisaatillugit allamut nuutsinneqarsinnaavoq, soorlu assersuutigalugu unnukkut aamma unnuuarsiorluni sulinerit patsisigalugit.

Imm. 10. Portør-it nal. akunnermusiallit feriernersiutissaattut akissarsiaasa 12½ %-iattut annertutigisut katarsorneqartarput.

Imm. 11. Portør-it nal. akunnermusiallit ulloq 31. Marts 2003 Kalaallit Nunaanni Naalakkersuisut aamma Suliner mik Inuussutis-sarsiteqartut Kattuffita akornanni sulisartut suliamik ilinniagallit ilinniaganngitsullu nal. akunnermusiallit pillugit isumaqatigiissut 7. juni 1999-meersoq naapertorlugu akissarsiallit isumaqatigiissummi § 18, naapertorlugu tapeq soraarnissartik tikillugu tapisiaqaatigi-innassavaat. 1.oktober 2003-ip kingorna sulilersut qulaani tapeq pineqartoq tapisiaqaatigisinnaanssanngilaat.

§ 38

Akissarsiat katiternerri.

Akissarsiat § 3-mi imak katitigaapput 1. april 1991-mi tunngaviusumik aningaaasarsianik aammalu tunngaviusumik aningaaasarsianut tapiliussamik. Tunngaviusumik akissarsianut tapiliussaq 1. april 2000 16,4789%-tiuvoq. Skala-mi akissarsiat iluarsiissutitaqanngitsumik koruuninngorlugu tapiliussamik qaffaavigineqassapput ataanni qaffaatit allassimasut najoqqutaralugit:

01.04.18

kr 380,56

01.04.19

kr 380,56

01.04.20

kr 380,56

01.04.21

kr 380,56

§ 39

Ikaarsaarnermi malittarisassat.

Sulisut 31. marts 1995 killigalugu sulisartut suliamik ilinniagallit ilinniagaqanngitsullu qaammamusiallit pillugit isumaqatigiissut 13. juli 1993-meersoq tunngavigalugu atorfegartinneqartut, isumaqatigiissummi taaneqartumi § 23, imm. 1, Asulinngiffegarnerit immikkut ittut allat@-mi malittarisassaq atuutiinnassaaq.

§ 40

Piffissaq isumaqatigiissutip atuuffia.

Isumaqatigiissut una 1. april 2018 atuutilerpoq. Isumaqatigiissut illuatungeriinnit tamanit qaammatinik 3-nik siumut ilimasaaruteqarnikkut 31. marts-imut taamaattorli siusinnerpaamik marts-ip 31.-ani 2022-imut atorunnaartussanngortinneqarsinnaavoq.

Imm. 2 Isumaqatigiissut atorunnaarpas piffissap nutaamik isumaqatigiissuteqarfissap tungaanut akissarsiat marts-ip 31.-ani 2022 atuuttut malillugit akissarsiaqartitsisoqassaaq.


Nuummi, ulloq **02 DEC. 2019**

Sulinermik Inuussutissarsiuteqartut

Naalakkersuisut

Kattuffiat

n.s.



Jess G. Berthelsen



André Steenholdt-Guttesen

Taamalu isumaqatigiissut 14. November 2014-meersoq atorunnaarpoq.

ASA/ØPS jr. nr. 16.40/365/20014

Qup. 31 - 31-mut